



先進
顏淵
上

弟

已

服部文庫
117
220
5



又

霖雨濛々樹々幽蕭條風色倍如秋鄉園
萬里山河隔孤客樓頭不勝愁

又

長雙茅堂雨色愁陰雲經日未曾收颯然
風拂梧桐露涼氣偏疑一葉秋

又

天際煙雲黯不流梅霖幾日鎖高樓炎蒸
洗盡茅檐暮一陣涼風颯似秋

又

四山連日雨濛然簷滴聲々伴午眠天地

徵考

己集

先進
顏明

進篇



子曰先進於禮樂野人也章家語顏回篇顏回問
子曰臧文仲武仲孰賢孔子曰武仲世稱聖
人而身不免於罪是智不稱也也好言兵討而挫
銳於邾是智不足名也夫文仲其身雖歿而言不
朽惡有未賢孔子曰身歿言立所以為文仲也
又曰禮子貢問冉求曰臧文仲知魯國之政立言
垂法于今不亡可謂知禮矣

夫禮開國君所定孰敢損益雖孔子亦謹奉之耳仲
庸所言見可矣禮記中庸篇非天子不議禮不

制度不考文今天下車同軌書同文行同倫雖有其位苟無其德不敢作禮樂焉雖有其德苟無其位亦不敢作禮樂焉

告顏子四代禮樂

衛靈公蒞顏淵問為邦子曰行

夏之時乘殷之路服周之冕樂則韶舞放鄭聲遠佞人鄭聲淫佞人殆

戴記所載頗有謂殷何如周何如者

禮記檀弓下

篇銘名旌也以死者為不可別也故以其旌識之受之斯錄之矣敬之斯盡其道焉耳重主道也殷主綴重焉周重徽焉莫以素器以生者有哀素之

心也唯祭祀之禮主人自畫焉爾豈知神之所饗亦以主人有恭敬之心也辟踊哀之至也有等為之節久也祖括髮去飾之甚也也有所祖有所襲哀之節也弁經葛而葬與神明交之道也有敬心焉周人弁而葬殷人冎而葬歎主人主婦室老為其病也君舍食之也及哭升堂及諸其所作也主婦入于室及諸其所養也及哭之弟也哀之至也及而亡焉失之矣於是為甚殷既封而弔周又哭而弔孔子曰殷已慤吾從周葬於北方北首三代之達禮也之幽之故也既

封主人贈而祝宿虞尸既及哭主人有司視虞
牲有司以几筵告奠於墓左及日中而虞葬日虞
弗忍一日離也是日也以虞易奠卒哭日成事是日
也以吉祭易卷祭明日祔于祖父其寢而之吉祭
也至於祔必於是日也接不忍一日未有所歸也殷
練而祔周卒哭而祔孔子善殷

晏子其國奢而示之以儉 又曾子曰可謂知禮也
已恭敬之有焉有若曰晏子一狐裘三十年遺車一
乘及墓而及國君七個遺車七乘大夫五个遺車
五乘晏子為和禮曾子曰國無道君子恥盈礼焉國

奢則示之以儉國儉則示之以禮

林放問礼之本章 公治長篇

德行顏淵閔子騫章

唐以十哲從祀

四書備考舊唐書礼儀志西京國子監

夫子南面而坐十哲等東西列侍開元二十七年八
月制曰門人三千見稱十哲包夫衆美實越等夷
暢玄聖之風規發人倫之耳目並宜褒贈以寵賢
明顏子淵可贈亮公閔子騫可贈賈侯冉伯牛鄆侯
冉仲弓薛侯冉子有徐侯仲子路衛侯宰子我齊侯
端木子貢黎侯言子游吳侯卜子夏魏侯 又見文

獻通考四十三學校考

後世乃躋四配而公之次十哲而侯之 文獻通考

學校考宋真宗咸平三年詔追封孔子弟子充公顏
回褒國公費侯閔損琅琊公鄆侯冉耕東平公薛侯
冉雍公邾公齊侯宰予臨淄公黎侯端木賜黎陽公
徐公冉求彭城公衛侯仲由河內公吳侯言偃冉假
侯魏侯卜商河東公 又元豐六年吏部尚書曾孝
寬言孟軻有廟在鄒未加爵命詔封鄒國公七年
禮部言乞以鄒國公同顏子配食宣聖 又徽宗
崇寧元年詔追封孔伋為沂水侯三年大常寺

圖

言國朝祀儀諸壇祠祭正位居中南面配位在正位之東
南西面若兩位亦為一列以北為上其從祀之位又在其後今
國子監顏子孟子配享之位即與閔子騫等從祀之位同作
一列雖坐次少坐而在文宣王帳坐之後於配食之礼未
正請改正顏子而下從享位次為 願示天下從之 又二
年詔躋子思從祀 又行事考次詣兗國公邾國公沂
國公鄒國公神位前 今咸淳三年升配邾國公沂國公
位在左國公之下

古者朝廷尚爵鄉黨尚齒 孟子公孫丑下天下有達尊

三爵一齒一德一朝廷莫如爵鄉黨莫如齒輔世長民

莫如德 禮記文王世子故世子齒於學

佛氏菩薩羅漢是做已 名義集三乘通号為菩薩

肇曰正音云菩提薩埵菩提佛道名也薩埵秦言大

心衆生有大心入佛道名菩提薩埵無正名譯也 又

羅漢法華疏云阿耨 音跋經云應真瑞應云真人

意是無生寂羅漢也或言無翻名含三義無明離脫後

世田中不受生死果報故云不生九十八使煩惱盡故名

殺賊具智斷却德堪為人天福田故云應供含此三義

且子雖齊聖不先父食 左傳文公三年秋八月丁卯

大事子大廟躋僖公逆祀也於是夏父弗忌為宗伯尊僖

棟

公且明見曰吾見新鬼大故鬼小先大後小順也躋聖賢明

也明順禮也君子以為失禮禮無不順祀國之大事也而

逆之可謂禮乎子雖齊聖不先父食久矣故禹子先鯀湯

不先契文武不先不室宋祖帝乙鄭祖厲王也猶上祖也

是以魯頌曰春秋匪懈享祀不忒皇、后帝皇祖后稷君

子曰禮謂其後稷親而先帝也云云

家語云云 七十二弟子解

史記云云 仲尼弟子列傳

顏淵季路侍 公治長篇

閔子騫侍側云云 並本篇

子路曾哲冉有公西華侍坐政事冉有季路並本篇
或子路在先冉有在先下文云子路行如也冉有子

貢侃如也季子為母有季路見於孔子

師諸子欲事有若孟子離婁其篇子夏子張子游以有

若似聖人欲以所事孔子事也

子游薦臧朋雍也篇子游為武城宰子曰女得人焉耳

年哉曰有滄臺臧朋者行不由徑非公事未嘗至於
偃之室矣

魯無君子斯焉取斯公治篇子謂子賤君子哉若人

魯無君子者斯焉取斯

檀弓檀弓子與子游立檀弓下有子與子游立見孺子

慕者云云

仲尼燕居曰子張子貢云云仲尼燕居仲尼燕居子

張子貢言游侍幾言至於禮云云

檀弓載曾子貢子夏曰南女檀弓上子夏喪其子

而喪其朋曾子貢之曰吾聞之也朋友失明則哭之

曾子哭子夏亦哭曰天乎予之無罪也曾子怒曰南女

何無罪也云云

子曰回也非助我者也章

因其材而篤禮記中庸天之生物必因其材而篤焉

故裁者培之傾者覆之

六德 同禮地官大司徒以卿三物教萬民而賓興之一曰六德知仁聖義忠和

九德 尚書皋陶謨皋陶曰都亦行有九德亦言其人有德

乃言曰載采：禹曰何皋陶曰寬而栗柔而立惠而恭亂而敬擾而毅直而溫簡而廉剛而塞彊而義彰其有常吉哉注朋九德之常以擇人而官之則改之善

天地無棄物明時無棄材 老子七十二章善行無轍

迹善言無瑕譴善數果籌策善閉無關鍵而不可開善結無繩約而不可解是以聖人常善救人故無棄人常善救物故無棄物是謂衆明故善人者不善人之師不善人

者不善人之資不覺其師不愛其資雖智大迷是謂要妙
佩文曹植詩大匠無棄材船車用不拘薛瑒詩明時無棄
人大厦無棄材

器使 子路蒞子曰君子易事而難說也說之不以道不

說也及其使人也器之小人難事而易說也說之雖不以道說也及其使人也亦備焉

官人之道 禮記王制凡官民材必先論之論辨而後使
之任事而後爵之位定然後祿之又司馬辨論官材

論進士之賢者以告于王而定其論論定然後官之任
官然後爵之任定然後祿之

孔子則微歆譏其為佞 憲問篇微生畝謂孔子曰

丘何為是 柳者乃為佞乎孔子曰非敢為佞也疾

固也

季康子問弟子孰為好學章

大戴禮虞戴德曰子曰丘於君唯無言云

彼文子曰丘於君唯無言言必盡於他人則否子曰教

他人則如何子曰否丘則不能昔商老彭及仲傀政

教大夫官之教士技之教庶人揚則抑則揚綴以

德而名以言庶人以言稱以夏后氏之祔壤禡也行不越境

顏淵死子曰噫天喪予章

子路之死天祝之嘆其謂之何云 春秋哀年四

年春四狩獲麟公羊傳以何書記異也云云孔子曰

孰為來哉孰為東哉及袂拭面涕洟袍顏淵死子曰噫

天喪予而將獲麟孔子曰吾道窮矣

顏淵死明人欲學葬之章

檀弓篇曰人豈有非之哉 檀弓上子游問喪具夫子曰

稱家有無子游曰有無惡乎齊夫子曰有毋過禮

苟亡矣斂手足形還葬縣棺而封人豈有非之者哉

季路問事鬼神章

事鬼神之通孔子何嘗不言八佾篇祭如在祭神如神在子曰吾不与祭如不祭雍也篇樊遲問知子曰務民之義敬鬼神而遠之可謂知矣

生事之以禮死葬之以禮云云為政篇孟懿子問孝子曰無違樊遲御子告之曰孟懿子問孝於我對曰無違樊遲曰何謂也子曰生事之以禮死葬之以禮祭之以禮

它日宰予問之則言之

聖人以神道設教

出子罕篇子曰鳳鳥不至章

周易觀卦彖傳大觀在上順而巽中正以觀天下觀盥不薦有孚顒若下觀而化也觀天之神道而四時不忒聖人以神道設教而天下服矣

閔子侍側閔如也章

羿羿不其死然憲問蒧南宮适問於孔子曰羿善射鼻盥弁洪不得其死然禹稷躬稼而有天下夫子不答南宮适出子曰君子哉若人尚德哉若人

魯人為長府章

貫事也釋詁文

尔雅殺詁續緒末業服宜貫公事也

史漢謂舊例為故事 史記大史公自序傳年所謂述故事
終齊其世傳非所謂作也云云 漢書蘇武傳衛將軍
張安世薦武明習故事奉使不辱還命先帝以為遺言
宣帝即時已武侍詔宦者署

左傳載子貢懸斷魯定邾隱之死亡云云 定公十
年左傳春邾隱公來朝子貢觀焉邾子執玉高
其容仰公受玉卑其容俯子貢曰以禮觀之二君皆有
死焉焉夫禮死生存亡之體也將左右周旋進退俯仰

於是平取之朝祀表戎於是卑觀之今正月相朝而皆不度心已亡矣嘉事
不體何以能久高仰驕也卑俯賤也驕進亂賤進疾君為主其先亡乎○夏
九月公與仲尼曰賜不幸言而中是使賜多言者也注以微知著知之難者
子貢言語之士今言而中仲尼懼其易言故抑之
射中正鵠

動容周旋中禮

孟子尽心下孟子曰堯舜性者也湯武反之也動容周旋
中禮者盛德之至也云云

言中倫行中慮身中清廢中權

微子篇逸民伯夷叔齊虞
仲夷逸朱張柳下惠少連

子曰不降其志不辱其身伯夷叔齊與謂柳下惠少連降其志辱其身矣若
中倫行中慮其斯而已矣謂虞仲夷逸隱居放言身中清廢中權我則異
於是無可無不可

刑討中

禮記大傳愛百姓故刑討中刑討中故庶民安云云

子曰由之瑟矣為於立之門章

家語曰子路鼓瑟有北鄙殺伐之志

辯樂解子路鼓瑟
孔子聞之謂冉有曰

甚矣由之不才也夫先王之制音也奏中色以為節流入於南不滯於北夫南者生
育之鄉北者殺伐之域故君子之音溫柔居中以養生之音憂愁之感不加於
心暴厲之動不在於體夫然者乃所謂治安之風也小人之音則不然充厲徵未以
象殺伐之氣中正之感不載於心溫和之動不存於體夫然者乃謂亂亡之風也昔者
舜彈五絃之琴造南風之詩其詩曰南風之熏兮可以解吾民之愠兮南風之時兮
可以阜吾民之財兮唯修此化故其真也勃焉德如泉流至于今王公大人述而弗忘
殷紂好為北鄙之志其廢也忽焉至王公大人舉以為誡夫舜起布衣積德含和而

終以帝紂為天子荒淫暴亂而終以亡非各所修之致乎今由也匹夫之徒曾無意於
先王之制而習亡國之志豈能保其六七尺之體哉冉有以告子路子路懼而自悔
靜思不食以至骨立夫子曰過而能改其進矣乎

中庸以北方之強為子路之強

禮記中庸子路問強子曰南方之強
與北方之強與抑而強與寬柔

以教不報無道南方之強也君子居之社金革死而不厭北方之強也而強者居之解
而汝也汝之強即北方之強而此則言之者誨子路之辭也云云北方之地風氣剛勁進於
戎狄故士多尚勇故古來稱強者以北方為貴中國先王文教所存其所以為強者殊乎北
方而自北方視之故以中國為南方也而強者即上文抑而強也君子上無而字強者上
有而字可見北方之強即子路之強矣云云

後世變化氣質之說

中庸章句二十章注呂氏曰君子所以學者為能
變化氣質而已德勝氣質則愚者可進於明

柔者可進於強不能勝之則雖有志於學亦愚不能明柔不能立而已矣蓋均而

無惡者性也人所同也昏明強弱之與不齊者才也人所異也誠之者所以及此而
實其異也夫以不美之質求而美非百倍其功不足以致之今以國莽滅裂之學
或作或輟以受其不美之質及不能變則曰天質不美非學所能受是果於自棄
其為不仁甚矣○近思錄為學類為學大益在自求之化氣質不尔皆為人之弊卒
無所發明不得見聖人之奧

善人不入於室

本篇子問善人之道子曰不踐迹亦不入於室

身通六藝

史記孔子世家孔子以詩書禮樂教弟子益三千焉身通六藝者
七十有二人云

其材足以為大夫

公治長篇孟武伯問子路仁乎子曰不知也又問子曰由也千
乘之國可使其賦也○雍也篇季康子問仲由可使

從政也與子曰由也果於從政乎何有曰求也可使從政也與子曰求也藝於從政乎
何有

通禮樂之原

家語觀周篇孔子謂南宮敬叔曰吾聞老聃博古知今通
禮樂之原明道德之歸吾師也今將往矣

子貢問師与商也孰賢章

堂：乎張也

子張篇曾子曰堂：乎張也難与並為仁矣

可者与之其不可者拒之

子張篇子夏曰人問交於子張子張云子夏云
何對曰子夏曰可者与之其不可者拒之子張

曰異乎吾所聞君子尊賢而容衆嘉善而矜不能我之大賢与於人何所不容我之
不賢与人將拒我如之何其拒人也

季氏富於周公章

當是時三桓四分公室而季氏有其二

襄公十一年左傳春
季武子將作三軍

告叔孫穆子曰請為三軍各征其軍穆子曰改將及子子必不能武子固請之穆子曰然則盟諸乃盟諸僖公誼五父之嚮正月作三軍三分公室而各有其一三子各毀其乘季氏使其乘之人以其役邑者無征不入者倍征孟氏使半為臣若子若弟孫氏使盡為臣不然不舍疏如上取分三家所得各分為四季氏盡取四分叔孫取二分而二分歸公孟氏取一分而三分歸公分國民以為十二家得七公得五也昭公五年左傳春王正月舍中軍卑公室也毀中軍子施氏成諸臧氏初作中軍三分公室而各有其一季氏盡征之叔孫氏臣其子弟孟氏取其半焉及其舍之也四分公室季氏擇二子各一皆書征之而貢于公云

魯自宣公稅畝

宣公十五年左傳初稅畝注公田之法十取其一今又復其餘畝復寸收其一故衰公曰二吾猶不足遂以為常故曰初

大夫不具官

八佾篇子曰管仲之器小哉或曰管仲復乎曰管氏有三歸官事不攝焉得儉包氏曰摠摠兼也禮國君車大官各有人大夫兼辨今管仲家臣備職非為儉

或曰周公非且也謂東西二周公也云云

按何注孔安國曰天子之宰卿士也蓋諸記古注

而誤

子曰齊一變至於魯魯一變至於道

雍也篇

子路曰衛君待子而為政子將奚先

子路篇

孔子曰虎兇出於柙龜玉毀櫝中是誰之過與

季氏篇

桀也愚矣也魯章

趙岐注孟子曰琴張顓孫子張也其為人蹢躅譎詭論語曰師也辟故不能純善而狂蹢躅一足行貌

譎記謂不拘常度也

按此四十八字皆刪公治長篇子在陳章徵

諺俗語也

字典諺注廣韻俗言也

子路升堂

上章文

賜也達由也果求也執

維也篇文

韓愈原道何足為據

韓文原道竟以是傳之舜舜以是傳之禹禹以是傳之湯湯以是傳之文武周公文武周公傳之

孔子孔子傳之孟軻云云

子曰回也其庶乎章

顏子之子其殆庶幾乎

周易下繫系辭顏氏之子其殆庶幾乎有不善未嘗不知知之未嘗復行也

左傳諸書可以徵已

莊公十二年左傳秋宋大水公使弔焉曰天作淫雨害於塗塗若之何不弔對曰孤實不敬天降

之災又以為君憂拜命之辱城文仲曰宋其真乎禹湯罪已其真也悖焉桀紂罪人其亡也忽焉且列國有凶稱孤也言懼而名禮其庶乎注其庶庶幾於真也禮記檀弓上子張病召申祥而語之曰君子曰終小人曰死吾今日其庶幾乎疏吾言其庶幾乎者庶幸也幾其也言吾若平生為惡不可幸與為君子之人吾即平生以善自修今日將其幸與為君子乎云云陳注子張至此亦自信其近於君子也○孟子梁惠生下孟子曰王之所樂甚則有國其庶幾乎注王誠能大好古之樂齊國其庶幾治乎○禮記檀弓上將軍文子之喪子游觀之曰將軍文氏之子其庶幾乎亡於禮者之禮也其動也中疏言文氏之子庶幾堪行無於禮文之禮也

後
顏子不幸短命而死

雍也篇哀公問弟子孰為好學孔子對曰有顏回者好學不遷怒不貳過不幸短命死矣今也則

亡未聞好學者也

前
孔子告以四代之禮樂

衛靈公蒞顏淵問為邦子曰行夏之時乘殷之輅服周之冕樂則韶舞放鄭聲遠佞人鄭色

淫佞人殆。

魏晉間王弼何晏更其訓而謂庶幾聖道

何注言回庶幾慕聖道雖數空匱而樂在

其中矣疏王弼曰庶幾慕聖忽忘財業而數空匱也

世儒多謂顏子樂於陋巷有孔子在

孟子朱喜序說程子曰學者全要識時若不識時不

足以言學顏子陋巷有樂以有孔子在焉若孟子之時世既無人安可不以道自任

孔子知其不可為而為之者也

憲問蒧子路宿於石門晨門曰奚自子路曰自孔氏曰是知其不可而為之者乎

孔子嘗以孰愈問之

公冶長蒧子謂子貢曰汝方回孰愈對曰賜也何敢望回也聞一以知十賜也聞一以知二子曰希如也吾與

女希如也再可校

升庵以為与殖通引考工記說文毛詩詩韓文

升庵外集卷三

十六經說部說文殖脂膏久也考工記織為殖又云凡殖之類不能方周礼注今人

頭髮有脂膏者謂之殖毛詩予髮曲局注殖也則殖与殖通用貨殖謂謂蓋

藏積而不用如脂膏月人而致殖也今以生財利者為殖蓋備用字耳後世遂

以殖訓主非也尚書曰弗殖貨利訓之為生特不然矣韓文公李 墓誌家

無殖財或作睹財皆用此義今人不知妄作積財淺矣

中庸曰貨財殖焉

礼記中庸今夫水一勺之多及其不測龍鼉蛟龍魚鼈生焉貨則殖焉

子張問善人之道焉

後世佛氏言善

孔子嘗以聖人並言

述而篇子曰聖人吾不得而見之矣得見君子者斯可矣子曰善人吾不得而見之矣得見有恒者斯可矣

王者之迹熄而詩亡

孟子離婁下孟子曰王者之迹熄而詩亡詩亡然後春秋作云

禮樂征伐不自天子出

季子篇孔子曰天下有道則禮樂征伐自天子出天下無道則禮樂征伐自諸侯出自諸侯出蓋十世希不失

矣自大夫出五世希不失矣陪臣執國命三世希不失矣天下有道則政不在大夫天下有道則庶人不議

大王肇基王迹

尚書武成公劉克篤前烈至于大王肇基王迹

管仲治仁於天下

憲問篇子路曰桓公殺公子糾昌忽死之管仲不死曰未仁乎子曰桓公九合諸侯不以兵車管仲之力也如其仁如其仁又子

貢曰管仲非仁者方桓公殺公子糾不能死又相之子曰管仲相桓公霸諸侯匡天下民到于今受其賜微管仲吾其被髮左衽矣豈若正天正婦之為諒也自經於溝瀆而莫之知也

孟子可欲之謂善五霸假仁故置諸信之下

公孫丑下孟子曰以力假仁者霸

必有大國以能行仁者王王不待大湯以七十里文王以百里云云又尽心下浩生不害問曰樂正子何人也孟子曰善人也信人也何謂善何謂信曰可欲之謂善有諸已之謂信充實之謂美充實而有光輝之謂大德而化之之謂聖聖而不可知之之謂神樂正子二之中四之下也

窮措大

已見為政篇考

子曰論篤是與章

按諸史籍多稱評論之至者為篤論

答子貢問鄉人皆好之

子路蒞子貢問曰鄉人皆好之何如子曰未可也鄉人皆惡之何如子曰未可也不如鄉人之善者好之

其不善者惡之

子路問聞斯章

大戴禮虞戴德子曰昔商老彭及仲傀

已見季康子問弟子孰為好學

子畏於匡章

無伐其勞

公治長篇顏淵季路侍子曰盍各言爾志子路曰願車馬衣輕裘朋友共敝之而無憾顏淵曰願無伐善無施勞子路曰願聞子之志

子曰老者安之朋友信之少者懷之

如史殊死戰

史記淮陰侯傳韓信張耳已入水上軍軍皆殊死戰不可敗

季子然問章

子亦有異問乎

季氏篇陳亢問於伯魚曰子亦有異問乎云

子羔長曾子六歲

家語七十二弟子解高柴齊人高氏之別族字子羔少孔子四十歲云又曾參南武城人字子輿少孔

子四十六歲云

孟子尽信書

尽心下孟子田尽信書則則不如無書

易大傳曰言不尽言

周易上繫辭曰言不尽言言不尽意云云

莊子曰書道政事

天下篇詩以道志上以道事礼以道行氣以道和易以道陰陽春秋以道名分云云按此莊子政事衍

子路曾言冉有公西華侍坐章

義方出左傳

隱公三年左傳公子州吁辟嬖人之子也有寵而好兵公弗禁莊姜惡之石碏諫曰臣聞愛子教之以義方弗納於邪云云

易曰义以方外

周易文言君子敬以直内义以方外云云

易韓康伯解數也

下繫辭子曰乾坤其易之門邪乾陽物也坤陰物也陰陽合能而間柔有體以體天地之撰注撰數也

孟子曰莫小教也

告子上今夫喪之為教小教也不專心致志則不得也

孔安國孝經傳曰癸此二义則万姓不悞父子相恩

其教然也

開宗明誼章民用和睦孔傳言先王行要道奉理則遠者和附近和睦親也所謂率已化人也癸此二誼則萬姓不悞父子相恩其教然也

又曰孝者行之本教之所由起也

古本古文孝經聖王治章子曰天地之性人為貴人之行莫大於孝孔傳孝行之

本教之所由生也故人之行莫大於孝焉

按曾點有志於礼樂之治見家語

七十二弟子解曾點曾參父字子皙疾時礼教不行欲修之孔

子善焉論語所謂浴乎沂風乎舞雩之下

孟子稱點狂者其言曰古之人古之人

尽心下如琴張曾皙牧皮者孔子之所謂狂矣何以謂之

狂也曰其志嚆々然曰古之人古之人夷考其行而不掩焉者也

顏子問為邦

已見上孔子告以四代礼乐考

子貢答為衛君之問

述而篇冉有曰夫子為衛君乎子貢曰諾吾將問之曰伯夷叔齊何人也曰古之賢人也曰怨乎曰求

仁而得仁又何怨出曰夫子不為也

伊呂之事

孟子萬章章上萬章問曰人有言伊尹以割烹要湯有諸孟子曰不然伊尹耕於有莘之野而樂堯舜之道焉非其人也非其道也祿之以天下弗顧也數系馬千駟弗視也非其義也非其道也一介不以取諸人湯使人以幣聘之墨子然曰我何以湯之聘幣為哉我豈若處畎畝之中由是以樂堯舜之道哉湯三使往聘之既而幡然改曰吾欲處畎畝之中由是以樂堯舜之道吾豈若使是君為堯舜之君哉吾豈若使是民為堯舜之民哉吾豈若於吾身親見之哉天之生此民也使先覺後知使先覺覺後覺也予天民之先覺者也予將以斯道覺斯民也非予覺之而誰也思天下之民

匹夫匹婦有不覺堯舜之澤者若已推而內之溝中其自任以天下之重如此故就湯而悅之以伐夏救民吾未聞枉已而正人者也况辱已以正天下者乎又離婁上孟子曰伯夷辟紂居北海之濱聞文王作與曰盍歸乎來吾聞西伯善養老者太公辟紂居東海之濱聞文王作與曰盍歸乎來吾聞西伯善養老者二老者天下之大老也而歸之是天下之父歸之也天下之父歸之其子焉往諸侯有行文王之政者七年之內必為政於天下矣又見尽心下

釣渭耕莘

六韜文師第一文王將田史編布卜曰田於渭陽將大得焉非龍非虜非虎非熊卜得公侯天遺汝師以之佐昌施及三王文王曰非致是乎史編曰編之太祖史疇為舜占得皋陶兆兆此於此文王乃齊三日棄田車駕田馬田於渭陽卒見太公坐蓑以漁文王勞而問之曰子樂漁耶太公曰君子樂得其志小人樂得其事今吾漁甚有似也文王曰何謂其有似也太公曰釣有三權祿等以權死官等以權夫釣以求得也其情深可以現火矣文王曰願聞其情太公曰源深而水流水流而魚生之情也根深而木長木長而實實生之情也君子情同而親合親合而事

生之情也言語應對者情之飾也言至情者事之極也今臣言至情不諱君其惡之乎文王曰惟仁人能愛正諫不惡至情何為其然大史公曰繆徵餌明小魚食之繆細餌香中魚食之繆隆餌豈大魚食之夫魚食其餌乃牽於繆人食其祿乃服於君故以餌取魚魚可殺以祿取之人可竭以家取國國可拔以國取天下天下畢比諸南宮

論語憲問篇南宮适問於孔子曰羿善射臯湯俱不得其死然禹稷躬稼而有天下夫子不答南宮适出子曰君

子哉若人尚德哉若人

李氏之喪曾點倚其門而歌

禮記檀弓下李武子寢疾瘠固不說奔喪而入見曰斯道

也將亡矣士唯公門說奔喪武子曰不亦善乎君子表微及其喪也曾點倚其門而歌

子路有是哉子之迂也

子路蒞子路曰衛君待子蒞為政子將奚先子思也正名乎子路曰有是哉子之迂也夫其迂子曰野哉

由也君子於所其不知蓋闕如也名不正則言不須言不須則事不成事不成則禮樂不興禮樂不興則刑罰不中刑罰不中則民無所措手足故君子名之必可言也言之必可行也君子於其言無所苟而已矣

有民人焉有社稷焉

前書

堯舜禹皋陶吁嗟咈俞于一堂上

尚書堯典帝曰時稽咨若予采驩咈曰都工共方鳩侯功帝曰咨四

岳湯三洪水方割蕩三矐山襄陵浩滔天下民其咎有能俾乂俞曰於鯀哉帝曰吁咈哉方命圮族又師錫帝曰有鰥在下曰虞舜帝曰俞予聞如何云云○按吁嗟咈俞當作都俞吁咈八佾三家者以雍徹章徵為是

顏淵問仁章早

脩己以安人

憲問篇子路問君子子曰脩己以敬曰如斯而已子曰脩己以安人曰如斯而已子曰脩己以安百姓脩己以安百姓堯舜其猶病諸

中庸為天下國家有九經首脩身

禮記中庸凡為天下國家有九經曰脩身也尊賢也親親

也敬大臣也體群臣也子庶民也來百王也柔遠人也懷諸侯也云

門人問仁唯於顏子子張孔子以天下言之

陽貨篇子張問仁於孔子孔子曰能

行者於天下為仁矣請問之曰恭寬信敏惠云

左傳曰克己復禮仁也

昭公十二年左傳仲尼曰古也有志克己復禮仁也信善哉楚靈王若能如是豈其辱於乾谿

約我以禮

子罕篇顏淵喟然歎曰仰之彌高鑽之彌堅瞻之在前忽焉在後夫子循之然善誘人博我以文約我以禮欲罷不能既謁吾才知有所立卓尔虽欲從之末由也已

勝私欲而復天理淨屠之遺習新大明註真

如何別乎

以復初為說亦老氏之意

莊子繕性於俗學以求復其初云云

反身

孟子盡心上孟子曰萬物皆備於我矣反身而誠無莫大焉強恕而行求仁莫近焉

湯武反之

孟子盡心下孟子曰堯舜性者也湯武反之也動容周旋中禮者盛德之至也哭死而哀非為生者也經德不回非以于祿也言語必信非以

正行也君子行法以俟命而已矣

言可復也

學而篇有子曰信近於義言可復也恭近於禮遠耻辱也因不失其親亦可宗也

克敵

宣公十二年左傳趙括趙同曰率師以來唯敵是求克敵得屬國又何侯云

功云云

戰克

禮記禮器篇孔子曰我戰則克祭則受福蓋得其道矣○僖公二十九年左傳戰克而王褒言孰大焉云

高明柔克沈潛剛克

尚書洪範六三作一曰正直二曰剛克三曰柔克平康正直彊弗友剛克寧友柔克沈潛剛克高明

柔克

飲酒溫克

詩小雅小宛篇人之齊耶王飲酒溫克云

子克家

周易蒙卦九二包蒙吉納婦吉子克家

孟子所謂非禮之禮非義之義

離婁下孟子曰非禮之禮非義之義大人弗為

子弟之行

學而弟子曰弟子入則孝出則弟謹而信汎愛眾而親仁行有餘力則以學云

仲弓問仁章

君奕曰在家不知

尚昏君奕過供前人先在家不知天命不易天難諶乃其隊亡命云云

孔子非先王之法言不敢道

孝經鄉大夫章非先王之法言不敢道云

按仲弓南面之嚮

之雅也篇子曰雅也可使南面家語弟子行篇在貧如客使其臣如借不怨怒不深怨不錄曰羅是冉雍之行也孔

子論其材曰有吉君也有眾使也有利用也然後稱怒為孔子告之以詩曰靡不有初鮮克有終匹夫不怒唯以立其身

又有以敬以直內又以外傳合此章者易語臣之道而

此語君道

周易文言直其正也方其義也君子敬以直內又以方外敬又立而能不孤直方大不習無不利則不疑其所行也陰陽有美含之以從王事弗敢成也地道也妻道也臣道也地道無成而代有終也

司馬牛問仁章

聖人善誘

子罕蒧顏淵喟然歎曰仰之弥高鑽之弥堅瞻之在前忽焉在後夫子脩然善誘人博我以文約我以礼欲罷不能既竭吾力知有所立卓尔虽欲從之末由也

巧言所以鮮仁也

学而蒧子曰巧言令色鮮矣有仁

司馬牛問君子章

仁者不憂

子罕蒧子曰知者不惑仁者不憂勇者不懼

大集席之雄

出八佾蒧蒧仲之思小哉章考後漢曆載蒧蒧傳正月朝賀百寮畢會帝令蒧蒧臣能說經者更相難詰又有通輸大集其席

以益通者蒧蒧重坐五十餘席蒧蒧師為之語曰解經不此耶蒧蒧仲中云

君子成德之稱

周易文言君子以成能為行曰可見之行也禮記哀公問何謂成德之親孔子對曰君子也者人之成名也百姓之歸名謂之君子之子是使其親為君子也是為成其親之名也已

司馬牛憂曰章

司馬牛憂桓魋之將為乱出於孔安国

前章孔注牛兄桓魋將為乱牛自宋來學常憂

懼故孔子解之

孔子曰道之將行也方命也道之將廢也方命也

憲問蒧公伯寮怨子

路於季孫子服景伯曰以告曰夫子固有惑志於公伯寮吾力猶能肆諸市朝子曰道之將行也方命也道之將廢也方命也公伯寮其知命何

天命之謂性

禮記中庸天命之謂性率性之謂道脩道之謂教

子張問明章

古言明者爲人上者言之

古言明者，以为人上者，言之。
尚厯辨典，帝曰：皋陶，蠻夷猾夏，寇賊
亥宄，汝作士，五刑有服，五服三就，流有宅，死
三居。惟明克允，又益稷乃廣載歌曰：元首明哉，股肱良哉，庶事庶哉。又五子之歌，其四曰：明明我祖，萬邦之君。云云。

中庸曰敬大臣則不眩

中庸曰敬大臣則不眩
禮記中庸凡為天下國家有九經曰脩身也尊賢也
 親也敬大臣也體君親臣也子庶民也來百工也柔遠
 人也懷諸侯也脩身則道立尊賢則不惑親則諸父昆弟不怨敬大臣則不眩

昏曰視遠惟明

大甲中奉先思考接下恩恭視遠惟明聽德惟聰云云

九牧

尚書周官六卿分職各率其屬以倡九牧云云傳六卿各率其屬定大夫士治其所分之職以倡道九州牧伯為政云云

子貢問政章

民之父母

詩南山有臺南山有杞北山有木只君予民之父母只君子能
音不已又洞酌蕭洞酌彼行際挹彼注兹可以饌饁豈弟君子民之

父母

五帝之說

已見學而蒞有子曰其为人也孝弟章徵孝

棘子成曰君子質而已矣章

何注云云

按此孔安國注也蓋先生今使以下為何晏漆說也

吹毛求疵

韓非子大體篇不吹毛而小疵不洗垢而察難知○前漢晁景十三

郁乎文哉

八脩蒞子曰曷監於二代郁々乎文哉吾從周

禮儀三百威儀三千

禮記中庸大哉聖人之道洋洋乎發育萬物峻極于天優大哉禮儀儀三百威儀三千

本或禮儀三百威儀三千

文勝質則史云

雍也篇子曰質勝文則野文勝質則史文質彬彬然後

君子

其人嘗識宋儒有理之命氣之命

語孟字義其命第一條

二字本有實字有虛字

惟命之命是實字天之所命之命是虛字先儒謬以虛字作實字者故有理命
氣命之別又有在天為命在人為性之說皆不知中庸之命字本虛字非實字故也
夫一命而立二義甚無謂況以虛字為實字其誤大矣云

孔子曰文王既沒云

子罕篇子思於匡曰文王既沒文不在茲乎天之將
喪斯文

又
風吹霜鬢意紛紛
景色蒼茫碧海濱
千里蕭蕭三日雨
孤亭寂寂萬重雲
門深泥路無人訪
樹暗茅簷有雀群
向晚頻疑秋已到
庭池濤湧水沄沄

又
苔園霖雨水漫漶
獨倚閑窓氣候寒
一片微風雲樹晚
景光渾作素秋看

又
五月梅霖涼氣浮
茅簷蕭瑟碧池頭
夜來閑聽連荷雨
疑是西風落葉秋

